

Entrega buki laat na Biblioteca Nacional Aruba sin paga boet

Biblioteca Nacional Aruba curasha su miembronan en general pero principalmente tur estudiante y mucha di scol pa entrega bukinan bek cu nan a presta na biblioteca.

Pa stimula miembronan di biblioteca cu ta preocupa cu un posibel boet, biblioteca ta anuncia cu e dianan 28, 29 y 30 di april por entrega buki sin cu ta cobra boet. Nos ta spera cu esaki ta un incentiva

pa yuda e miembronan hiba buki di biblioteca bek y asina otronan tambe por haya acceso na e coleccion. Di antemano nos kier gradici nos miembronan pa tene cuenta cu e peticion y pa nan cooperacion di trece bukinan di biblioteca bek pa asina nos por sigui brinda nos servicio di prestamo di buki.

Mercado di Buki segunda mano

Ademas riba dia 3 di mei lo

bay tin un Mercado di Buki segunda mano na nos biblioteca den G. Madurostraat 13 na Oranjestad.

Pa coleccionista di buki esaki ta un bon oportunidad di haya buki riba diferente topico pa un prijs hopi abou. Lo tin buki pa tur edad, tanto storia, novela como bukinan informativo y revista.

Tambe lo bay tin coy bebe, cushina bon surti, skina di



boca dushi y un mercado di purga. Por pasa un rato dushi buscando algo diferente. Tur

hende ta bon bini diadomingo 3 di mei di 9'or di mainta pa 2'or di atardi. □